

## 2016 weekend



### Steffeln in de *Vulkaneifel*

Wied genóg van hoes um dich op vakantie te veule in 'n landelikke umgaeving.

Inmiddels zien de dörpe in de Vulkaneifel gewind det 't aantal inwoeëners met 10% wuurt opgekrik in April.

'N bietje laeve in de brouwerie is good veur d'n umzet.

De "*Inhaberin van 't Vulkanhotel*" waar erg enthousias en deej ós 'n programma oét de deuk veur 3 waeke. Die wis neet det de Gebrüder allang alles hadde geregeld.

Op vriedaagaovend kwaam as verrassing *Prins Theo I van de Höfters* op bezeug met zien adjudante.

Hae sprook ós geliek aan met Höfters en Höfterinne.....neet netjes eigelik.

De geis toch neet metein schelde as se örges in dien Zóndaags klofje binne kums.

De Prinse in den Eifel bringe det wat fiener want die spraeke eur ónderdane aan met ;

*Jecke Burgnarre of met leef Steffelnder Schlipse*, det klink toch 'n stök vrintelikker.



Op zaoterdaagmorge waar de traditionele wandeltoch met opdrachte en schoeëne oétzichte.

Zoeëvuuel Limburgse herrieschöppers 2 daag langk, det mak de reeje en herte önröstig dus die hadde met de wilde zwijne aafgespraoke zich neet te laote zeen.

Nogal wiedes want wae löp noow door de neteur met zó'ne blöden hood en 'n gekleurde neus. Dan bliefs se toch lekker in dien hol tot det stel weer weg is.



De spelletjes kwame weer oet *de garage van Theo*;

- How met unne stek 'n blökske zoeë dich meugelik beej de roeje punt, wie curling zónder ies.
- De paks 'n gladde plank, pleks d'r döbbelzijdige tape op en luuëts idderein 10 kölse rolle.  
Blieve die plekke dan kries se punte.
- Pak 'ne alden dook, leg dao 'ne blok holt in en laot 2 minse daen blok weg slingere.

Det is allemaol meugelik met 't restant van 'n tummerklus.



Kwante spelletjes die niks koste maar wao se de middaag vlot mei um kries.

Klasse idee *veur de kleinkinder*, niks gen deure games, lego of play mobile.....

Van de óetgespaarde pieke kinne ze met de 18 mekkelik eur riejbewies berappe en halde nog 'ne halve auto euver.

De foto opdracht; *“Wae zien oeër is det”*, kosde wat meujte .

Idderein had zich 's-morges duchtig de oeëre gewasse want ze woorte stök veur stök gekeurd. Welk onderdeil kump volgend jaor aan de beurt?



De greune groep zoel winne , det waar al vanaaf 't begin bekind. Die linkmichels van de organisatie hadde de map met oplossinge vriedaagaovend euveral laote slingere!

Dao zit meestal 'n raeje achter, lichtig kiek d'r emes in.....?

En jaowaal huur, de oplossinge klopde netuurlik van gens kante.

De *blauwe groep* bleek toch de slumste en die hebbe verdeend gewónne.

Umdet de organisatie gaer haet det we d'r gekleurd op staon kregede de winnaers allemaol 'n schmienkdoeës kedo, det kump altied van pas.

Nao ein oétstaekend diner 's-aoes kwaam *Mevr. Romanova* veur wat klante

de toekóms veurspelle via kaarte, *glaze bol* of knaokskes.

De stagiaires ware nog wat verlaege maar det dreide al vlot





beej.

*Romanova* stelde tössedoor heej en dao wat döbbelzinnige vraoge wie;

- Wat is het verschil tussen Kim Holland en de Titanic?  
Bij de Titanic wisten ze precies hoeveel mensen erop hebben gezeten!
- Het heeft 50 tanden en houdt een verschrikkelijk monster tegen?  
Een broek-rits van een man.
- Wat is de overeenkomst tussen Bavaria 0.0 en wippen in een kano?  
Het zit wel heel dicht bij water.

Nao 'ne toepasselijke act van diverse groepe, trooj *Prins Theo I* aaf. Daoveur had de Gemeinte Steffeln *'n Tanz Marietje* gesteurd um alles *extra cachet* te gaeve.

Det waar 'n emotioneel moment , Theo had in de gate des se nette minse

neet zoeëmaar Höfters en Höfterinne kins neume.

Maar schwamm d'rüber , idderein mak waal ens foute.

Ein schoeën gezegde met wat foto's guf de sfeer van 't wiekend good aan;



**Zinloos**  
**is ein laeve zónder**  
**ónzin**



Zóndaagmorge zien we op de truukwaeg naor **Kronenburg** gereeje.  
Ein leuk historisch stedje wao 5 kinder de communie deeje in d'n ozel.

De pestoeër had zich '**n hip stertje** gemak en de beste muzikante brachte 'n lekker stökske meziék.

De 2 maedjes hadde 'n ech brudjeskledje aan en de jónges 'n net antreciet kleurig pekske met slieps.  
Klausje had zelfs moi de vouw in de bóks gestreke.



Jao, tradities halde ze in iere in de **VulkanEifel**, ouk det trek vuuel toeriste.

Gebrüder Smeets.....bedank !

Elly van Elswijk